

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
Broj 01-03-9656-5/17
Dana, 12.01.2018. godine
Sarajevo, Vrazova 11**

Na osnovu člana 70. stav (1),(3) i (6) Zakona o javnim nabavkama ("Službeni glasnik BiH" broj 39/14), člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13, 20/16), člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo i Preporuke Komisije za javne nabavke broj 01-08-9656-3/17 od 11.01.2018. godine, generalni direktor donosi sljedeću

**ODLUKU
o izboru ponuđača "Medical" d.o.o. Mostar
u postupku nabavke broj OP 31/17 lot 2**

I

Ugovor o nabavci u otvorenom postupku javne nabavke broj **OP 31/17**, sa predmetom nabavke **UVZ aparati** za potrebe Javne ustanove Dom zdravlja Kantona Sarajevo, za **lot 2 - dva ultrazvučna aparata** dodjelit će se ponuđaču: "**Medical**" d.o.o. Mostar.

II

Po okončanju roka za žalbu, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

III

Ova odluka objavit će se na web-stranici web: <http://www.judzks.ba>, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

O b r a z l o ž e n j e

Ugovorni organ proveo je aktivnosti vezane za nabavku u skladu sa odredbama Zakona o javnim nabavkama, na osnovu Odluke o pokretanju postupka javne nabavke broj OP-31//17 za lot 2 sa predmetom nabavke **dva ultrazvučna aparata**.

Kriteriji za vrednovanje "**najniža cijena tehnički zadovoljavajuće ponude**" utvrđen je tenderskom dokumentacijom ugovornog organa.

Komisija je konstatovala da su do zakazanog termina, pristigle tri ponude sa ponuđenim cijenama kako slijedi:

R/b	Naziv ponuđača	Ukupna cijena ponude sa PDV-om
1	Shimadzu doo Sarajevo	132.327,00 KM
2	Medical doo Mostar	157.950,00 KM
3	Siemens medicina doo Sarajevo	77.770,02 KM

Obzirom da specifikacija ponuđenog predmeta nabavke ponuđača **Shimadzu d.o.o. Sarajevo**, odstupa u tačkama 12., 14., 17., 23. i 24. od zahtjeva koji su navedeni u Aneksu 2a za lot 2, to se ponuda ponuđača Shimadzu d.o.o. Sarajevo ne može smatrati odgovarajućim obzirom da ponuda ne ispunjava uslove ugovornog organa zbog čega se **ista smatra nekvalifikovanom**.

Komisija je konstatovala da je ponuda ponuđača **Medical d.o.o. Mostar**, formalno pravno ispravna, čime je ispunila kvalifikacijski uslov za nastavak postupka u cilju vrednovanja ponuda.

Komisija je konstatovala da je Aneks 2 - Obrazac za cijenu ponude, ponuđača **Siemens d.o.o. Sarajevo**, u rubrici količina, prepravljen broj 2 na broj 1, zbog čega pročitana cijena na otvaranju ponuda predstavlja cijenu za jedan aparat umjesto za dva, što ne predstavlja traženu količinu i vrijednost po obrascu iz tenderske dokumentacije.

Specifikacija ponuđenog predmeta nabavke odstupa u tačkama 12., 14., 17. i 18. od zahtjeva koji su navedeni u Aneksu 2a za lot 2, zbog čega se ponuda ponuđača **Siemens d.o.o. Sarajevo** ne može se smatrati odgovarajućom. Obzirom da ponuda ne ispunjava uslove ugovornog organa, **ista se smatra nekvalifikovanom**.

Imajući u vidu da je ponuđač Medical d.o.o. Mostar, ispunio sve kvalifikacijske uslove postavljene tenderskom dokumentacijom, i činjenice da je ponuda u skladu sa procijenjenom vrijednosti, ispunjen je ekonomski zahtjev ugovornog organa. Komisija je jednoglasno dala preporuku generalnom direktoru da donese odluku o izboru ponuđača i dodjeli ugovor ponuđaču **Medical d.o.o. Mostar**, čija ponuda ispunjava sve tražene uslove, za ponuđenu vrijednost od **157.950,00 KM** sa uračunatim PDV-om (17%).

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalificiranosti ponuđača te ocjenu prispjelih ponuda, shodno kriteriju iz Tenderske dokumentacije.

U postupku ocjene provedenog postupka, generalni direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je izbor

najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno navedenom, generalni direktor Javne ustanove Dom zdravlja Kantona Sarajevo, donosi odluku kao u dispozitivu.

PRAVNA POUKA: Ponuđač koji smatra da je ugovorni organ prešio odredbe Zakona o javnoj nabavci, ima pravo uložiti žalbu ugovornom organu, u roku od 10 (deset) dana od dana prijema Odluke o izboru najpovoljnijeg ponuđača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

Dostaviti:

- Shimadzu doo Sarajevo
(Ul. Tešanjaska br. 7, Sarajevo)
- Medical doo Mostar
(Ul. Maršala Tita 237, 88000 Mostar)
- Siemens medicina doo Sarajevo
(Ul. Milana Preloga 12b, Sarajevo)
- JN
- a/a

